

sularum Canariæ, necnon Indiarum Orientalium, et Occidentalium, Insularum, ac Terræ firmæ maris Oceani, Archidux Austriæ, Dux Burgundiæ, Brabantæ, Mediolorum, Athenarum et Neopatriæ, Comes Abspurgii, Flandriæ, Tirolis, Barcinonæ, Rossilionis, et Ceritanæ, Marchio Oristani, et Comes Goceani; et Marianna ab Austria Regina eius mater, Tutrix, et Curatrix, omniumque Regnorum, et Proventiarum dominationis suæ Gubernatrix. Illis viris non solum nobilis sanguinis splendore claris, sed etiam magnis obsequiis Regio Diademati præstanti affectu, et singulari devotione factis, altiora præmia conferre solemus. Crescitque hinc Principum, Regumque fama, dum similes viros ad sublimiorem dignitatum gradum exexisse gloriatur. Patetque sic Maiestatis nostræ culmine nihil abdicare, nec largitatis complemento deficere; tunc maximè, cum eorum successores etiam per se ipsos insignium dignitatum Titulis illustrari, et condecorari prometerentur. Quapropter memoriam renovantes obsequiorum tui et predecessorum tuorum Nobilis, et dilecte noster DON IOANNES DE CARRIERA (à nostro Principatu Cathalonice oriunde) qui ex antiqua et Nobili Familia originem trahis cognominis de CARRIERA: quod et si in ipso Principatu ab immemoriali florescere patet; maxime quidem ob insignia tui tuorumque facinora nostræ Regiæ Coronæ, per temporum prælapsum gloriosè gesta. In primis per Nobilem Don Didacum de Carriera genitorem tuum, et per Nobilem Don Michaellem de Carriera eius fratrem, et abunculum tuum: quos inter commotionum procellas dicti Principatus, affectum suum apud nos fidelissimum servasse, satis compertum est, et ostensum. Præcipue, dum Illustris Marchio de Olias et de Mortara (tunc noster Locumtenens, et Capitaneus Generalis huiusmodi principatus) nostro cum Exercitu, Barcinonensem Civitatem obsessam teneret; eos miro Regii servitii nostri raptos affectu, ad Vicensensem Civitatem, quo facilius eam, et Villas, et Oppida ipsi adiacentia, ad nostram re galem et debitam obedientiam revocare, et reducere disponent, occultè ac silentio missit. Hæcque dispositionis intencio (dum agebatur) Francorum ministris fuit aperta, et patefacta; quorum manibus minime effugere valuerunt: imo mox capti, sumaque custodia in carcerem coniecti, post multos labores, et torturæ cruciatus, in patibulo fuerunt crudeliter capitate damnati; omniaque bona sua, tam mobilia quam immobilia per Francorum Fiscum præscripta. In cuiusquidem obsequii contemplatione, et ut omnibus sit exemplar; perpendentes etiam, te dictum DON IOANNEM DE CARRIERA, nobis simili affectu, magno cum bonorum tuorum detrimento interuisse; egregiisque, ac singularibus; et eximiis virtutum ornamentis præditum esse: merito, te